

郎

潛

紀

聞

郎潛紀聞卷三

鄞 陳康祺著

翁文端公年二十四時猶一貧諸生也其祀竈詩有云
微祿但能邀主簿濁醪何惜請比鄰士當困阨無聊易
作短氣語當公爲此詩豈自料兩朝宰相再世
帝師三子公卿四世翰苑功名福澤爲

本朝希有人物哉

國朝承前明舊例順天鄉試正考官多以前一科一甲
一名充之康熙初年幾若定制如王子則以庚戌狀元
蔡啟傅主考乙卯則以癸丑狀元韓菼主考丁巳則以

丙辰別元壹定才主者辛酉則又以己才別元島力用
主考一時奔走聲氣者遂先期輻湊於其門場屋中多
倖進者自歸宮詹入闈撰文自誓關節不通榜發下第
者譁然冀興大獄時魏敏果公象樞爲大司寇以朝端
碩望步行隨一僕攜紅褐墊至宮詹所居宅外行四拜
禮曰我爲

國家慶得人也復賦詩紀事徧示朝列外議始息

朱竹垞檢

詩典江南試回敏果亦朝服造門再拜謂檢討曰非拜君也慶朝使之得人也然自後北闈試

事不復令新殿撰持衡遂改三百餘年之舊制矣

歸宮詹立朝清謹通籍後年遷歲擢皆由

特簡時湯文正公擢外臺講官缺入掌院以宮詹短視
不開列

聖祖於袖中出片紙示諸大臣曰此人何如朕以爲繼
湯斌後無逾此者諸大臣俱拜慶講幄得人

歸宮詹入闈誓神文略云某等素著清貧謬叨榮遇期
爲朝廷遴選真材不爲身家營謀私窟期諸同事各矢
此心儻或爲利營私徇情欺

主明正國法幽服冥誅甘受妻孥戮辱之慘必膺子孫
滅絕之報按朱竹垞檢討典試江南渡江告江神文曰
如其寸衷有味徇人賄託廢棄真才神靈有知允當罰

殛又入貢院誓神文曰如或心存曖昧遏抑真才徇一人之情面受一言之賄託通一字之關節神奪其算鬼褫其魄五刑備其體三木囊其頭刀斧分其尸烏鳶攫其肉云云前輩鉅公衡才公正如此

鉛山蔣清容太史自以弱冠受金檜門尚書德瑛之知才譽大起乾隆丁丑通籍再出尚書門下終身感激知遇言必稱師晚年命工繪像歲修春蘭秋菊之薦命子孫世世祀於書室尚書嘗云平生知己三人句山香樹蘅石而已太史偶至其家展拜遺像見句山太僕籀石侍郎皆有題句而香樹獨闕遂渡重江謁錢太傅於里

第索題幘上歸之尙書後人太史敦尙風義氣節嶙峋此其一端也

陶文毅公丰裁峻整好議論人物惟恐不盡雖

廷對亦然開藩皖中循例覲

聖論某官溺職狀至於聲色俱厲鬚髯翕張

宣宗疑之密諭孫文靖公爾準察其爲人時文靖方撫安徽也文靖密疏薦引

硃批曰卿不可爲其所愚復具疏條列善政力保其無他文毅遂獲大用按故湖北巡撫胡文忠公爲文毅女壻今伯相湘陰左公故陝撫劉中丞蓉皆文毅幕僚三

公皆由文毅識拔聲望大起然則文靖一言顧不與九鼎鈞重歟

孫文靖公官閩臬時適明儒漳浦黃忠端公墓地爲豪家侵佔子孫力弱訟不勝一夕天大雷雨徧山上下皆墳起成黃山字無慮數千萬豪大驚叩首還其券文靖有詩紀之見泰雲堂詩集督閩後遂以漳浦之理學忠貞奉請崇祀

孔廟得

旨俞允是舉也固由

聖主名臣表揚潛德而忠端靈爽至於三百年後猶足

以感天地而動風雨神矣哉

金壇蔣徵士衡康熙間以善書稱碑版照耀四裔五十
六歲時矢志書十三經凡八十餘萬言閱十二年訖事
南河河道總督高文定公斌特疏上呈

御覽奉

旨鑄石留太學以墨刻頒行天下先授衡國子監學正
當衡寫經時以恩貢選英山教諭又舉博學鴻詞皆力
辭不赴山林宿學一藝專精終邀

容賞士生

聖朝牢落不偶者宜自奮已衡爲虎臣脩撰超從子字

湘帆晚年自號江南拙老人工詩古文其書法論一篇
尤爲講楷法者所宗尙

乾隆朝士屢於

上前稱彭文勤博學彊記

上思有以難之值乙未會試

欽命詩題爲燈右觀書四字諸總裁覆

命日叩請出處時文勤適侍班

上目視文勤文勤叩首曰臣學問荒陋亦不知詩題何
出

上笑曰是夕朕偶於燈右觀書耳文勤趨出

上顧侍臣曰今日難倒彭元瑞

按或稱是科文勤爲總裁非也

蘇州滄浪亭爲宋蘇子美別墅南宋則韓蘄王居之巖石玲瓏水木清美遂爲城中名勝之冠道光戊子陶文毅公撫吳重修舉吳中前賢暨自古名流之宦游流寓於斯土者繪像合祀五百名賢祠俟成之日招一時賢士大夫退居林下者卅五老會亦繪像賦詩以張之五老者內閣中書潘奕雋年八十八掌山東道監察御史吳雲年八十一山東按察使石韞玉年七十二刑部尙書韓葑年七十一江蘇巡撫陶澍年五十公年最少蓋以耆英會中司馬溫公自況也兵燹後壽藤古木斬刈

無存而樓閣丹青池荷石筍一經葺治猶是承平舊觀
余道出吳門時一過之

康熙己未會試長洲宋文恪公充總裁官海南陳文簡

相國其女壻也時方爲孝廉以避嫌不與試

按時迴避
例尙寬翁

壻與翁無嫌
須迴避之明文

三月九日禮部奏迴避事

聖祖聞至文簡名指詢廷臣羣臣咸以宋某係陳婦翁
對

上曰翁壻何迴避之有可趣令入試時日已亭午闈中
將放飯矣奉

旨特送舉人陳元龍一名入場然卒以避嫌屏斥至乙

丑文簡始及第其遭遇實在未達時也

羅侍郎文俊素短視尋丈外卽茫無所覩

宣宗嘗於召見時笑問卿見朕否公叩首曰天威不遠
顏咫尺時服其奏對之敏

船山先生世多以詩人目之官諫垣時連上三疏一劾
六部九卿一劾外省各督撫一劾河漕鹽政嘗畫一鷹
贈人自題云奇鷹瞥然來攫身在高樹風勁乍低頭沈
思擊何處風采如此詩人也歟哉

按船山詩霸才豪氣
仍是袁趙濫觴格律

風骨均未入古雖久
席盛名未敢附和

京師金臺書院在崇文門外金魚池上

國初名首善義學乾隆中始稱書院然非前明首善書院也明首善書院爲鄒南皋馮少墟二先生講學之所在大時雍坊宣武門內天主堂卽其故址今金臺書院適奉鄒馮二木主一時肄業諸生遂懵然莫識其由來已

國朝乾隆已前凡新進士用館職例擇年少者十數人學習

國書庶常館課及次科散館皆以清書第甲乙翁學士方綱散館時

上以繙繹陶潛桃花源記命題是日午刻學士已脫稿

適聞

駕出

上步自西階至其跪所取卷閱之問姓名至再

諭曰牙拉賽音漢語甚好也次日

御定一第一名嗣是纂修秘籍掌握文衡靡役不與遂
衰然爲北學領袖矣其受

知遇實始此

乾隆甲戌夏

命翰林工楷書者梁國治秦大士梁同書莊培因等繕

錄昭明文選又

命朱珪戈濤盧文弨翁方綱等校對於翰林院後堂東
寶善亭內發出宋版文選一部紙墨精好古香襲人每
冊有前賢手題墨蹟第一冊前有

御筆題云此書在天祿琳琅中亦不可多得

乾隆已前凡

御試開列試差諸臣皆發出等第名次惟乾隆四十二
年丁酉三月考試差單不發出越二年己亥又改如前
例此後始密定名次不復揭曉矣此亦

國朝掌故之一今日駕輶車而出者什九茫如矣

新進士釋褐於國子監祭酒司業皆坐彝倫堂行拜謁

簪花禮故事三鼎甲皆簪金花外有備用一枝爲總理
監事所攜歸乾隆辛丑長洲錢縈適占三頭於是總理
監事者爲漳浦蔡文勤公新司業則翁覃谿學士方綱
也文勤戲謂今科狀元是翁公上年所得士此花應歸
翁公學士因攜歸櫝藏之鐫銘其上並撰三元攷三元
喜讌詩四律京師士大夫及四方詩人和者數百家鉅
梓爲三元詩集

順天鄉試考官凡籍隸畿輔者例不開列乾隆癸卯覃
谿學士以洗馬奉

命充副考官尤爲異數洗馬亦例不充順天主考嗣後紀文達公亦

曾主京兆闈

嘉慶十九年甲戌

上問戶部尚書潘世恩今科會試有重赴瓊林宴者乎
世恩對有士申進士翁方綱王申今無正科現在禮部
奏請於甲戌補重宴

上頷之二月十八日禮部奉

旨翁方綱賜四品銜重預恩榮宴

乾隆癸巳開四庫館卽於翰林院署藏書分三處凡內
府秘書發出到院爲一處院中舊藏永樂大典內有摘
抄成卷彙編成部之書爲一處各省采進民間藏書爲

一處分員校勘每日清晨諸臣入院設大廚供給茶飯
午後歸寓各以所校閱某書應攷某典詳列書目至瑤
瑤殿書肆訪查之是時江浙書賈亦奔湊輦下郵書海
內遍徵善本書坊以五柳居文粹堂爲最右見復初齋詩注余在京時五柳文粹已歇業
稍多者惟實名齋寶森堂二家

黃秋盦易得漢石經尙書論語三段翁覃谿借摹於石
因用洪文惠摹石經於越州蓬萊閣事自題匾曰小蓬
萊閣

四庫校勘諸臣講金石之學者朱竹君筠錢辛楣大昕
張瘦同塏陳竹厂以綱孔搗約廣森後又繼以桂未谷

馥黃秋盦易趙晉齊魏陳無軒焯丁小疋杰沈匏尊心
醕而惟錢籜石程魚門姚姬傳翁覃谿嚴冬友五君先
後從事最久遂開乾隆已後諸儒以金石之學印證經
史一派

乾隆王子江南閩中主司夢人送香櫟四枚是科果得
兩狀元一會狀櫟元同音適符其瑞見潘文恭思補齋
筆記文恭卽四元之一也

康熙間太學生周清原盛負詩名益都相國見其雍試
諸作目爲奇才太學白丁香詩有云月明有水皆爲影
風靜無塵別遞香傳誦都下上達

宸聽比官翰林召見時

上猶誦此一聯獎之見國子監志按益都贈周詩有飛花定見召韓君之句後果以詩名上聞可謂佳讖

康熙某年

詔宣青浦沈文恪公荃入

內廷賦詩稱

旨賞貂裘一襲沈繪殿廷橐筆閣門賜貂二圖以紀榮遇

每科臚唱後新進士齊赴國子監釋奠禮竣大司成置酒堂東偏各獻酬三爵以堂中爲

御駕臨幸地故避就東偏也

曝書亭集有

恩賜禁中騎馬詩是康熙朝編檢入直亦竟有

朝馬之賞也

乾隆五十一年丙午二月六日

上御經筵侍臣講論語仁者安仁知者利仁尚書正德
利用厚生惟和

御論以安仁利仁朱子引而未發雙峰饒氏謂與仁一
故曰其仁與仁猶二故曰於仁亦既發之矣然曷不於
顏淵子貢觀之乎顏淵安仁子貢利仁簞食瓢飲回不

改其樂是安仁也賜不受命而貨殖焉是利仁也賜不受命非富貴貧賤之命蓋天命之謂性率性之謂道率性卽安仁不受命卽未能安仁也貨殖者見有利於仁如貨殖之生財耳是日筵宴特命奏抑戒之詩諸臣隨侍者分東西班大學士阿桂嵇璜已下凡三十八人

康熙十七年

上御懋勤殿召郎中王士禎賦詩

賜讌特授翰林侍讀遂

諭中外臣僚各舉所知

康熙間查初白學士聲山宮詹均在詞館有文望人皆

呼爲查翰林初白從

聖祖駕幸南海捕魚賦詩先成有臣本煙波一釣徒之句翼日內侍傳

旨呼爲煙波釣徒查翰林可與春城無處不飛花韓翃桃杏嫁東風張郎中並傳矣

京師廣安門內慈仁寺乃古雙松寺遺趾前明改建者也其廂縣勝果妙因圖乾隆丙午夏傅雲奉

敕以指繪圖中諸佛及羅漢像最小者猶與人相等屋凡三楹圖之廣狹稱是洵奇觀也

咸豐三年二月上丁

上親詣太學行釋菜禮越六日癸未

臨雍講學

玉音朗朗講中庸致中和一節尙書皇天無親四句自王公大臣以及有司百執事自先聖先賢之裔以至太學諸生環集橋門璧水之間者以萬計是日

特命陪郡王致祭於贈太師大學士杜文正之靈蓋重淵源懷耆舊也

杜相國侍學

龍樓一十七載咸豐壬子薨於位

上眷念舊學飾終典禮極優渥

贈太師謚文正皆出

特旨時公父侍郎壻猶存

頒內府珍藥遣官存問公子翻翰皆由翰林晉階坊局
輿機之日

車駕親臨灑淚奠醑

君臣一體生榮死哀雖古緣圖甘盤讓此遭逢之殊異
也

嘉道以後

殿廷考試尤重字體道光庚戌吾浙俞蔭甫太史樾成
進士素不工小楷覆試竟冠多士人咸詫焉後知由曾

文正公蓋公方以少宗伯充閣卷官得俞文極賞之且因詩首句云花落春仍在謂與小宋將飛更作迴風舞已落猶存半面妝無異他日所至未可量也遂第一進呈後俞典學河南以人言罷職同治四年寓書於公述及前事且曰由今思之蓬山乍到風引仍迴洵符落花之讖矣然窮愁著述已及百卷儻有一字流傳或亦可云春在乎因自顏所居曰春在堂康熙案庚戌至今垂三十年是榜人物內貳六官外膺封疆者不聞大著聲績太史則鑽犢經史誤著哀然楷苑一時優劣千古相士若文正公洵風塵巨眼矣

康熙朝彭中丞鵬號天下清官第一錢唐馮山公至撰
恨不見彭公敘畧曰戊寅十月子客天水方伯幕古愚
彭公來客皆往觀予方浴觀無及觖望累日自景願見
公垂二十年甲寅閩變賊欲污公公罵之賊怒擊齒盡
落吾以公爲罵賊斷舌顏杲卿後宰三河仁而廉日餐
蘆粥有時絕糧吾以公爲塵甑范萊蕪御前放鷹者至
縣使來索餼牽公鞭之吾以公爲強項令董宣入爲給
事中劾考官不公至請斧劈臣頭縣太學以謝士吾以
公爲折檻朱雲埋輪張綱及出監河工秋濤齧隄公止
宿其上誓身同去留吾以公爲河溢瓠子請以身填金

隄如王尊按察貴州主僕行李裁二肩吾以爲一琴一鶴趙閱道凡此六七公有一於今必爭先快覩況忠清正直全備乎一身者哉思之二十年一朝失之是吾命之不辰而抱恨無窮期已云云予讀是文覺彭公之直節清聲固令人有生不同時之慨而山公之風趣亦藉可想見矣山公名景初游京師主兵部侍郎項景襄時有司亟營建求大木不得有請易太學彝倫堂宋廟者景投書魏敏果公事竟獲止又嘗以開澗河議上漕督徐旭齡陳淮安水患於尙書湯文正公最後爲工部侍郎金鼐客

上方命部院大臣甄別屬吏諸臣仰承風旨五部皆有
斥者景獨引五郡自有平原自無事以風靡靡善之遂
一無所劾景文學少與閭百詩齊名晚交湯右曾查昇
相國索額圖嘗欲見之堅不肯詣真奇士也

康熙二十九年

諭九卿察舉廉吏靈壽令陸隴其三河令彭鵬清苑令
邵嗣堯麻城令趙蒼璧同被引

見擢隸憲府四人者果皆耿直廉幹聲實俱美

聖祖之知人則哲用賢勿貳如此

陸清獻公令嘉定時值巡撫慕天顏生辰衆皆獻納珍

物惟恐不豐清獻獨於袖中出布一疋履二雙曰此非
取諸民者爲公壽天顏笑卻之卒以微罪劾罷其任
國初莆田余懷流寓金陵文詞悽麗撰板橋雜記三卷
感均頑豔與杜濬白仲調齊名時號余杜白卒後長洲
尤侗弔之曰贏得人呼魚肚白夜臺同哭黨人碑魚肚
白金陵市語染名也

亭林先生嘗曰北方之人飽食終日無所用心南方之
人羣居終日言不及義好行小慧其甥東海學士延之
夜飲怒曰古人飲酒卜晝不卜夜世間惟淫奔納賄二
者夜行豈有君子而夜行者乎其峻厲若此

亭林先生自少至老手不釋書出門則以一羸二馬捆書自隨遇邊塞亭障呼老兵詣道邊酒醺對坐痛飲咨其風土考其區域若與平生所聞不合發書詳正必無所疑乃已馬上無事輒據鞍默誦諸經注疏遇故友若不相識或顛墜崖谷亦無悔也精勤至此宜所詣淵涵博大莫與抗衡與

國初諸儒稱梅文鼎厯算全書顧祖禹讀史方輿紀要李清南北史合鈔爲三大奇書康祺按李氏之南北史鈔與後之沈炳震新舊唐書合鈔皆博瞻過人而疏畧不免尙不及彭元瑞劉鳳誥合注新五代史體例之善

以擬梅顧二書經天緯地專門名家更瞠乎後已
崑山徐尚書養疴洞庭書局自隨其聘修一統志者無
錫顧祖禹景范常熟黃儀子鴻山陽閻若璩百詩德清
胡渭拙明也一堂賓從之賢皆九等人表之最官書如
此慎重豈復私家著述所能比肩

康熙乙酉五月

駕幸西苑時開列試差各員適赴

行在候

御試直廬諸詞臣同奏臣等蒙

恩點派扈從不願作主考官求免試得

旨汝等所見極是向來主考難得好聲名汝等既不願
出差今年各省鄉試俱不必開列傳與掌院知道見查
慎行乙酉日記康祺按今翰林官倖值

內廷辛苦三年專盼秋風一度其營營得失較踏省覓
舉者爲尤勞讀查氏日記見當日詞臣之淡泊清高覺
金馬玉堂眞在天上

康熙二十年方洗馬象瑛王吏部材任典蜀試時川中
兵革方定輶車所屆滿目荆榛方王二君殫心蒐拔惟
恐偶屈一士得士四十二人每拆卷當事輒額手稱慶
當未撤棘時學使者馮雲驤籍三川名雋三十人驗其

得失榜發售者二十有五副車三所未見者二人耳蜀人相傳以爲佳話乾隆壬午吳修撰鴻督學湖南是科主試者爲嘉定錢詹事大昕韓城王文端公杰場後諸生各以閨藝呈吳吳最賞者五人丁姓丁正心張德安石鴻翥陳聖清也曰此五卷不售吾此後不復論文矣揭曉日招客具飲使人走探俄抄榜來自六名至末只陳聖清一人吳旁皇莫釋未幾五魁報至則四生已各冠其經如聯珠然大喜過望首唱一詩以誌其盛和者三十餘人二事極相類合記之爲今督學典試者勸康熙五十四年以宋范仲淹從祀

文廟

從江南學臣余正健請也

嗣後雍正二年詔以林放縣廩牧皮

樂正克萬章蘧瑗秦冉公都子公孫丑從祀兩廡先賢

鄭康成范甯陳淳何基趙復金履祥陳澠羅欽順陸隴

其諸葛亮尹焞黃幹魏了翁王柏許謙蔡清從祀兩廡

先儒張迪從祀崇聖祠乾隆二年詔以吳澄從祀先儒

道光二年詔劉宗周三年湯斌五年黃道周六年陸贄

呂坤八年孫奇逢二十三年文天祥二十九年謝良佐

從祀先儒咸豐三年詔公明儀七年公孫僑從祀先賢

元年詔李綱二年韓琦九年陸秀夫十年曹端從祀先

儒七年詔孟皮從祀崇聖祠同治二年詔毛亨方孝孺

呂枬七年袁燮從祀先儒

按光緒初准從祀者又有張履祥陸世儀張伯行三人

康熙五十四年

詔命廷臣甄別各省學臣衆議以湖廣學政李周望爲第一遂由侍講擢國子監祭酒

倚氏邵嗣堯起家縣令循聲介節與吾浙陸清獻齊名
歷知山東臨淄直隸柏鄉清苑皆有善政後由御史督
學江南鯁直公廉勢要敘述甫試三郡卽卒大江南北
至今祠祀弗衰

山左汪灝以侍讀督學山右屏絕竿牘廉節著聞

聖祖仁皇帝西巡府察邇言探及清望

溫旨褒獎特命超五階爲內閣學士兼禮部侍郎復調陝西學政旋

命巡撫河南幸際

聖明直道之獲伸如此廉吏之可爲如此

國初直省學政沿前明舊習多徇干謁行苞苴

聖祖深嫉之時大僚中清譽久著者莫如浙撫張文端公鵬翮而各行省中積弊最深者莫如江南遂

特簡公視江南學公信心直行矢愼矢公終其任無一

倖進者聲華之士偶得京函躑躅茲巡不投而去公去後多士思之不置每言及輒欷歔流涕如公可謂不負

奏任矣

康熙三十九年七月內閣奉

上諭各省學道原不差遣翰林官員嗣後各省學道宜將翰林官員一併差遣爾等與翰林院會議具奏時韓文懿公蒞方掌院事議上畧云翰林官朝夕講習文章樹立品誼猶不足以補報萬一今奉學道一併差遣之旨此固不次之鴻恩然諸臣中有志有守者固不乏人儻有一之未稱不特一己之面目所關深恐負我

皇上格外擢用之意臣愚不敢輕議差遣讀此知學政一差本非翰林所應預

仁皇帝特破格參用之今每屆更換學政之期偶有一
二他衙門人員翰林官多以為非分風氣之變遷如此
殊可詫也

康熙朝初開大科一時名士率皆懷刺跨馬日夜詣司
枋者之門乞聲譽以進德州田山薑侍郎方以工部郎
中膺薦辟屏居蕭寺不見一客比督學江南舁以肩輿
從兩驢載衣裳一箱五經子史兩方底蒼頭奴二人踽
踽行道上戒有司勿置郵傳給供張自市蔬菜十把脫
粟三斗不為酒醪佳設惟日矻矻以文章為事見惠周
惕紅豆山莊集

常熟陳亦韓先生祖范雍正癸卯捷南宮未及臚唱以足疾告歸疾愈終不出嘗曰自問無用世才儻

殿試蒙拔擢虛糜廩祿於義不可若遽乞歸自處則高矣但人人如此公家之事誰任今量能度分如此知止猶不失出處之道云云歸里後著書設教垂三十年大臣以經學薦

特旨賞國子監司業銜先生天爵自重原非借此鳴高而望實交乎必不終聽其湮沒營營者可以悟已

吳門石琢堂殿撰韞玉以文章伏一世其律身清謹實不愧道學中人未達時見淫詞小說一切得罪名教之

書輒拉襍摧燒之家置一紙庫名曰孽海收燬幾萬卷
一日閱四朝聞見錄中有劾朱文公疏誣詆極醜穢忽
拍案大怒亟脫婦臂上金跳脫質錢五十千徧搜東南
坊肆得三百四十餘部盡付諸一炬可謂嚴於衛道矣
是年南闈發解庚戌魁多士夫因果之說儒者不道然
以一窳諸生毅然以闢邪說扶名教自任其胸襟氣節
豈復第二流人物所有

湘潭劉侍御元燮在詞館有雋望在諫院有直聲授蒼
梧道辭不赴謫廣西佐貳泊然東裝振奇人也

康熙二十二年

西巡五臺臺麓寺行宮之北突出一虎

聖祖親挽弧矢一發殪之土人名其地曰射虎川

泰興吳和甫少宰存義直南書房時

文宗偶臨幸見其貂褂黯敝

笑詢之叩首對曰臣自授編修至今已二十年矣

上太息次日卽蒙黑貂之

賜後少宰督滇學還奉

命兼署順天府丞

召對時諭之曰朕聞順天府丞每逢考試賣卷可得千
金聊償汝在滇之清苦少宰視學吾浙每述及

先皇厚恩未嘗不潛然淚下也

咸豐間張文毅公芾視學江右孫文節公銘恩視學皖
江皆奉

旨辦賊張請終制孫請歸省皆忤

上意竊級時方以爲書生膽怯也後孫旋殉難張歸籍
遇逆回之變罵賊不屈蓋當時局糜爛兵事掣肘殺身
無補忠孝宜完留其身以有待亦儒臣進退之義自被
嚴詔終全大節非特誤國偷生之輩不足供其奴隸卽
倉猝遇寇模糊捐生幸厠忠義之林者亦豈足比擬百

一哉

蘇州虎邱有錢補履墓其人名近仁以補履爲業嗜讀
書通知古今事吳中士大夫稱爲補履先生汪稼門廉
使樹墓碣以表之見吳江周鶴立匏葉庵詩注

耶潛紀聞卷三終

郎潛紀聞卷四

鄚 陳康祺著

江蘇藩署聽事縣一額云報朝廷某事榮父母某事寬
百姓幾分愛子孫幾分蓋順治間商邱宋文康公撫畿
輔時嘗以四語自警而哲嗣牧仲中丞開藩吳下卽用
以訓誠僚屬者也額爲中丞手書匪亂後尙無恙
粵賊初起首陷平樂府城時林文忠公已由西域
賜環

文宗特詔起之田間公方臥疾聞

命束裝星夜兼程宿痾益劇公子編修汝舟隨侍勸以

節勞暫息公慨然曰二萬里冰天雪窖隻身荷戈未嘗
言苦此時反憚勞乎口占一聯云苟利國家生死以敢
因患難避趨之乃昇疾亟行憂國焦勞馳驅盡瘁遂卒
於廣甯行館初賊震公威名咸膽裂思解散猝聞溢逝
毒醖益張公臨歿大呼星斗南莫解所謂噫武鄉侯出
師未捷宗忠簡三呼渡河千古貞臣同此遺憾耳

時又有張武壯公必祿者本蜀名將三省教匪之亂公
方在巴州營中手舞大刀單騎入陣所向如撥蠅埽箠
昭勇楊侯深賞之由偏裨擢至專閫戰功最多是年亦
奉

旨馳廣西軍營甫至潯州亦以積勞病歿名臣宿將先後騎箕而醉夢白面之徒相繼任封疆而持節鉞殆劫運將臨非人力所能挽救與

靈石何太史思鈞乾隆乙未進士改庶吉士旋充四庫全書館分校時總裁請添派總校四員以君居首明年散館改部主事因總校故仍留庶常又明年議敘授職檢討亦詞林中一故實也相傳太史篤古劬書校讐極精密自膺總校後心力日瘁卒以疾辭職長子元烺次子道生同入制科並有文譽今靈石之何尙有掇上第官清班者蓋遺澤長矣

康熙間浦江鄭侍讀江官庶吉士時高安在國薦忝膺
天鄉試復以校閱公明議敘授檢討亦詞林一故事
蘇州府志雜記引顧丹五筆記云乾隆辛未

南巡有湖南老人湯雲程來接

駕年一百四十歲

皇上先賜匾額云花甲重周又賜云古稀再慶其孫曾
隨者皆白髮飄蕭之翁也

崑山葉文敏公方霽順治己亥以第三人及第辛丑遭
賦獄起士紳同日除名者萬有餘人葉適欠折銀一釐
亦被左遷因具疏云所欠一釐準今制錢一文也時有

探花不值一文錢之謠見柳南隨筆

國初愼重度支吏議之嚴若此今包攬侵吞習爲慣技維正之供至欲藉勢力以巧免是化外也繩以嚴刑豈得爲過

咸豐十一年八月初一日今山西巡撫威毅伯曾公國荃克復安慶欽天監奏是日四星聯珠日月合璧見曾文正公集沅圃弟四十一初度詩注按文正公兄弟收湖湘之猛士膺魯衛之崇封東征十載直搗金陵剷除僭號鉅寇其光復王土由尺寸以甚至千百里實賴同安一郡爲中興錢定之基固宜城下之日三光現瑞百

神效靈中外驩欣焯然知爲天之所祐也

洞庭東山碧螺峯石壁巖產野茶數株土人稱曰嚇殺

人香

嚇殺人三字吳
諺見柳南隨筆

康熙己卯

車駕幸太湖撫臣宋肇購此茶以進

上以其名不雅馴題之曰碧螺春自是地方有司歲必採辦進奉矣

蘇州怡平寺有二十二房囊橐饒裕造密室藏婦女恣意淫縱乾隆二十四年巡撫陳文恭公宏謀廉得其實密掩捕之搜獲婦女四人並衣飾奩具無算公派員讞鞫二十二房內犯姦者一十四房淫僧一十六名並供

出被姦婦女二十五人奏

聞械淫僧解京治罪刑部請杖斃奉

旨發黑龍江給披甲人爲奴今蘇州道觀僧寮壇施極
盛化日之下當無復幽房曲室漁色藏奸然有風化之
責者仍不可不以文恭之心爲心隱微必察懲創必嚴
也

元明之世育嬰堂尙未通行自

國家忠厚開基發粟振饑歲不絕書孤獨鰥寡各得其
所

世祖皇帝講筵觸發特嚴溺女之禁海內始知育嬰爲

郎潛紀聞

卷四

四

皇朝名臣言行錄卷之七

孝莊皇后首頒祿米滿漢諸臣以次輸助不數年由京師以達郡縣育嬰之堂徧天下矣康熙按周禮大司徒以保息六養萬民一曰慈幼鄭康成注與之母與之餼王制幼而無父者有常餼月令仲冬養幼少存諸孤三代以上必無無故棄嬰之舉可知也厥後唐元和間詔嬰兒無親屬及有子不能養者廩給之宋淳祐間詔給官田五百畝創慈幼局法猶近古然後世疆域日廣生齒日繁饑饉流離委棄載道朝廷發帑活人勢難徧給盡若我

聖朝誠求保赤大德曰生叔自

宮闈傳諸畎澨及人之幼因民所利休養生息尤爲可
大可久之規模也

東吳惠氏紅豆書莊在蘇城東南冷香溪之北先是東
禪寺有紅豆樹相傳白鵠禪師所種老而朽復萌新枝
周惕移一枝植堦前生意郁然因自號紅豆主人僧目
存爲繪紅豆新居圖主人自題五絕句又賦紅豆詞十
首屬和者數百家客過吳門必停舟瞻賞傳至子孫數
十年來鐵幹霜皮遂有參天之勢矣惠氏三世研經蔚
然爲東南耆碩餘事作詩復風流照曜如此洵令人追

慕不置也

崑山徐健庵先生宋元經解之刻實足津逮來賢肇起
熙朝樸學其私家藏書曰傳是樓向不得其解後閱汪
鈍翁傳是樓記云先生召諸子登樓而詔之曰吾何以
傳女曹哉嘗慨爲人父祖者每欲傳其土田貨財而子
孫未必能世富也欲傳其金玉珍玩鼎彝尊罍之物而
又未必能世寶也欲傳其園池臺榭歌舞輿馬之具而
又未必能世享娛樂也吾方鑒此則吾何以傳女曹哉
因指書而欣然笑曰所傳者惟是矣遂名其樓爲傳是
國家征討粵寇自長江旆設水師軍事始有歸宿而水

師統帥惟今陝甘總督善化楊公岳斌

原名載福

兵部侍郎

衡陽彭公玉麟忠勇樸誠始終其事其功績爲獨多咸同二朝之

詔令曾胡諸公之章奏及中外士大夫婦人孺子之稱述莫不以長江千里再造於楊彭手康祺按京口爲長江咽喉其地夙有楊彭嶺康熙間湯文正公嘗作游記今載集中惟公亦不解命名之何義由今思之偉人未生嘉名先錫青山無恙戰跡常留事皆前定不信然與秀水錢文端公陳羣有知人鑒諸城劉文正初釋褐時以所業就正公謂文正房師王樓山云吾賀子及門得

偉器他日令僕才也金壇于文襄方爲孝廉來謁公自
大賞異之劉文正及錢唐梁文莊俱以筆法自詡公曰
二君毋高自位置曾看賢郎跨竈耳後文正子文清相
國文莊子山舟學士果濡染家學八法冠時碑版大書
照耀四裔不必如大令自譽而書名突出二公上

錢文端公幼貧甚隆冬早起讀書竈無宿薪汲井水盥
手膚爲之坼未弱冠依人京師傭書餬口冬無裘入市
以三百錢買皮袖自綴於袍鈔纂益力踰數年旋里課
兩弟讀書於南樓去梯級縋繩送飲食歲除始一下樓
如是者二年學大進遂以文字邀

吳遇高官大年席寵累代

高廟南巡公扶杖迎

鑾

御製詩至有江浙大老之目可謂榮已迴憶童牙孤露
饑寒逼人雖寤寐中當無此冀望士之匿影蓬蒿憔悴
謀生者觀於公無自戚戚也

順治丁酉谷戶部應泰督浙學時得平湖陸清獻公卷
評其上云胸無寸書見不類字便如爰居之駭鐘鼓矣
磊落英多我正以不類賞子

陸清獻年三十八下第出都由水路南旋於水道之源

耶潛紀聞

卷四

七

元世祖之入主中原也其時天下皆歸之其時天下皆歸之

清獻遇之屢家及古人名蹟無不言言其院屢昏八經
濟如此

陸清獻宰嘉定時魏敏果公方長御史臺與清獻素不
相識聞其政聲以詩遙寄有吏道雖云雜天下豈無人
及盟手贈荒言始終願自珍之語值會推福建按察使
上命選天下賢能愛民之官不拘資格擢用魏公遂以
清獻薦後雖爲巡撫慕天顏中沮而魏公之求賢若渴
以人事君洵不愧古大臣矣

清獻治轡兩載每於初限進民而命之曰錢糧者朝廷
之國課非縣官之私蓄爾民能急公身家快樂縣官亦

得安逸有工夫做好事以加於百姓我與爾非怨讐何
苦日行杖責況一杖責私與阜役杖錢若僱人代比又
當與僱錢二者皆虛費而有欠糧受責之名何不省此
以湊正數則爾我俱安從此傳聞四野雲集響應右見
公日記康熙按公堂數語豈遂足以淪浹民心清獻之
居官必先有深入民心者在

康熙十六年

詔舉博學鴻詞秀水主事吳源起以陸清獻名上其薦
牘中有理學深醇久入程朱之室文章閱博復登韓柳
之堂四語

清獻再起應鴻博科在都聞封公訃卽徒跣出國門抵家後日夕喪次哭泣盡哀茹素不入內寢席地而臥期年後乃以土坏置墊四隅而寢其上所製服悉準家禮大約三月之內衰絰不去體三月後始易麻帽以麻縷爲緯服麻袍小祥後始用白布帽以棉紗縷爲緯服麤白布袍大祥後以月白綫爲緯始用淺色布套子加於素袍上蓋從時法古兩得之矣士大夫不幸遭大故可取法也

康熙二十三年江南總督于清端公成龍卒

上諭諸臣有清操如于成龍者公議奏聞時九卿公舉

直撫格爾古德郎中蘇赫范承勛學道趙崙知府崔華
張鵬翮靈壽縣知縣陸隴其凡七人

稼書先生權直隸平山時偶入都同年徐健庵司寇來
會具述時相明珠仰慕意勸先生往投刺先生以縣務
倥偬不敢久留京師爲辭越日來東裝行矣

先生作宰時嘗作勸盜文遣吏往獄中誦讀大略謂一
念之差不安生理遂做出此等事來受盡苦楚然人心
無定只將這心改正痛悔向日的不是如今若得出頭
從新做個好人依舊可以成家立業等語一時獄中痛
哭失聲嗚呼今之從政者特患無先生用心耳

陸靈壽之入御史臺也由總憲陳文貞公廷敬疏薦故
事知縣行取改京秩謁薦主多用師生禮先生獨否陳
公益嘉歎且云昔年馮中堂按指大學士馮溥薦魏環極我曾
薦王阮亭汪鈍庵皆未嘗署門生帖自立者宜如此
陸清獻以康熙壬申十月歸道山明年冬會推直隸江
南學院廷臣咸擬翰詹大僚

上皆不允

特旨直隸著李光地去江南著陸隴其去相國王文靖
公熙奏稱陸某已經身故

上曰何不啟奏對曰七品官在籍身故無啟奏例

上嗟歎久之曰

本朝如這樣人不可多得了清獻貞廉忠鯁沒後猶受知

君上若此

國子監彝倫堂西舊有古槐一本爲元臣許衡手植閱
五百餘年雨蝕霜侵久成枯幹乾隆辛未恭遇

憲皇后六旬萬壽靈物效祉枯朽發祥振葉鼓柯踰歲
益茂蓋

聖孝之格被神矣當時詞臣文士咸有賦頌

國初常熟多畫師有黃鼎者足跡半天下尤在秦蜀間

久故所作多離奇倣詭爲古人屐齒所不到然亦坐是多病敗同里王石谷輩稍後起陶鑄董巨含跨關李名遂出鼎右識者謂譬諸詩家鼎其青蓮而輩則少陵輩常繪南巡圖進呈

天子嘉賞議官之輩不樂仕進遽歸一時名公巨卿投詩攀援卒不可得立品如此其筆墨始可寶貴也

陳清端公瑣釋褐歸里講學五年足蹟未嘗入公門每謂貪不在多一二非分錢便如千百萬後嘗舉此入對聖祖嘉之士未有未仕時律身不嚴而居官能以清廉著聞者觀於公益信後公令古田調臺灣督川學巡臺

厦開府湖南福建之身在外幾二十年未嘗挈眷屬延
幕賓公子曠隔數千里力不能具舟車一往省視儼從
一二人官廚以瓜蔬爲恆膳其清苦有爲人情所萬不
能堪者公晏然安之終其身不少更變

聖祖目爲苦行老僧又曰從古清官計無逾瓊者蓋公
之壁立千仞與張清恪之天下清官第一均邀

聖許斯真泰華兩峰同標峻絕矣

咸豐十年八月初六日內閣奉

上諭近畿各州縣地方士民或率領鄉勇齊心助戰或
整飭團練阻截路途無論員弁兵民人等如有能斬黑

夷首一級者賞銀五十兩有斬白夷首一級者賞銀一百兩有能擒著名夷首一人者賞銀五百兩有能焚搶夷船一隻者賞銀五千兩所得資財全行充賞欽此時撫議未成夷酋日驕

聖心震怒原望中外臣庶敵愾同仇除邊患而壯

國威在此舉也當國諸臣設能仰稟

睿謨堅持初議數千醜類一鼓可殲卽鼓棹重來亦必弭首乞憐斷不如今日之再三要挾蓋夷性然也貽誤至斯感憤何極

桐坡方恪敏公觀承嘗由直隸藩司撫浙其姪受疇先

爲浙中守令後復由直藩擢任而受疇弟維甸又曾以
閩浙總督權撫事受疇嘗題聯署中云兩浙再停驂有
守無偏敬奉丹毫遵寶訓一門三秉節新猷舊政勉期
素志紹家聲有守無偏新猷舊政蓋

仁宗御賜詩中語

按桐城之方白明宏治間有諱印者知天台縣稱廉吏印元孫大鎮萬厯

間巡按浙江入

國朝後方氏宦浙三公以外尚有恪敏弟觀本令秀水姪孫傳樞爲甯紹台道咸有名稱

秀水王曇仲瞿負才任俠不喜繩檢客游京師名滿公
卿間值川楚教匪不靖其座主吳總憲省欽薦曇知兵
能作掌心雷

睿皇帝斥其誕妄吳遂罷廢而曇亦連蹇終其身或曰

省欽本和黨窺新政肅然和坤且敗自託於駭不解事
冀以微咎去官也

謹按嘉慶東華錄 仁宗諭旨亦謂
吳省欽恐被人彈劾故避重就輕

乾隆乙未

上稽古之暇垂問四川督臣成都府學禮殿畫像存否

奏言今成都府學宮禮殿已非舊畫亦早湮沒錄漢禮
殿記元費著禮殿聖賢圖攷以聞按禮殿不見正史宋
祁董道謂文翁作歐陽修席益呂陶謂高昞作觀初平
五年殿柱記蓋禮殿實祀周公孔子文翁立學時所建
昞特增修之者也漢郡國有學自成都始郡國學有廟
亦自成都始宜

純皇帝眷念遺模幾餘垂詢與詳吳省欽重修成都府

學大成殿記

文翁名黨字仲翁見張崇文歷代小志吳省欽錦江書院講堂記引之

國初凡提督學政惟直隸江南浙江曰學院以進士出身之卿貳及翰林院侍講侍讀充之餘曰學道並繫以按察司副使銜由六部郎及知府之有資望者推用

康熙

熙間田山薑侍郎方爲郎中嘗視江南學或以田文望破格用之

國初河道總督行署駐山東濟甯州康熙十六年

聖祖以江南功程重大特令移駐淮安清江浦雍正三年添設北河總督駐濟甯而改南河總督仍駐清江

山東王大令世銓以道光壬午進士需次吾浙乙未鄉

闈充同考官榜發得未弱冠者三人萃於一房歸安錢振倫年十七瑞安孫鏘鳴年十八鄞童華年十五三人皆已食廩餼舉優行時已詫爲僅有後錢童以戊戌孫以辛丑皆成進士入翰林躋坊局握文衡錢孫皆中年告歸錢至司業孫至學士童先以編修乞養亂後再出今官吏部侍郎乙未至今幾五十年三人者皆健在曰幼慧曰蚤達曰清班曰貴官曰耆壽曰宿學

三人皆
屢主書

院錢孫今尚爲江
南山長皆有著述

無一不具無一不同在今日爲天上

之景卿在當日實一門之桃李亦可謂名場佳話矣

乾隆己亥秋典闈試者爲朱文正公珪兄筭河先生適

奉

命督學是省明年秋

特旨復以公代筇河因題使院之寢曰韓雅三山孝秀
賡迭持衡中歲弟昆對牀使院固天倫之極樂亦

聖主之殊恩也

定例五品以下官非殉寇難無贈官給蔭者五品官亦
無追贈至正三品者乾隆間御史上海曹錫寶上章劾
和珅家人劉全倚勢營私家貲豐厚爲同郡某侍郎漏
言和得部署掩蔽奉

旨勘查無蹟曹亦尋卒

仁宗親政和珅下獄賜死

諭云當和珅聲勢熏灼舉朝無一人敢於糾劾曹錫寶獨能抗辭執奏不愧諍臣加恩追贈副都御史伊子照加贈官銜給予蔭生天下聞之莫不同聲感歎呼

聖明萬歲

汾陽曹宗丞學閔爲御史時建言宜攷古制建辟雍於國子監部議格不行乾隆甲辰

天子將臨雍

命大臣規濬園水禮樂備舉

上憶及前奏

特旨嘉獎學閤未幾由內閣侍讀學士超擢宗人府府丞蓋仍因前奏云

海陽吳文伯雍正丙午以訓導引

見奏對稱

旨特授河南禹州知州文伯父隆嘗以奉化丞權縣事時方養病奉化得家書伏牀褥北向叩頭勵及見之隆蓋孝子鞠遜行曾爲作傳

帝簡循良天酬純孝則我

憲皇帝之聖且神也

阮文達公官浙日進七閣未錄書百種

耶潛紀聞

卷四

七

家月易子曰三才之理方是天地之理故曰平遠哉

卷之八
經室外集中

康熙朝士評崑山三徐曰公肅仁人君子健庵大人君子果亭正人君子

金壇段若膺大令七十喪親如孺子哀八十祭先未嘗不哭泣八十時讀書未嘗不危坐坐臥有尺寸未嘗失之見其外孫龔自珍定盦續集可見士大夫非至性天植操行不瑕者必不能壹志單精成千秋絕業也

武進莊侍郎存與性廉鯁典浙江試巡撫餽以金不受遺以二品冠受之及塗從者以告曰冠頂真珊瑚也直

千金公怒曰何不蚤白馳使千餘里返之爲講官日

上御文華殿同官者將俟

上起講儀畢矣公忽奏講章有舛誤臣意不謂爾也奉書進講琅琅盡其愜同官大驚

上爲少留頷之

故事凡宿衛之臣滿州輒除

乾清門侍衛其重以貴戚或異材乃擢

御前侍衛漢籍輒除大門上侍衛領侍衛內大臣轄之其有材勇擢侍

乾清門而班之崇極矣惟嘉慶間果勇侯楊芳特授國

什哈轄漢國什哈內臣驚爲未有

嘉慶十八年巨逆林清以七十七人入

禁門既殄定有議築

圓明園宮牆高厚者有議增

圓明園兵額者高郵王文簡公意非之具摺上

睿皇帝大動容召對良久乃罷

諭軍機大臣曰王引之乃能言人之所不敢言其奏牘何語海內迄今弗知而公之風旨可見矣

翁覃谿學士乾隆甲申奉

命視學廣東至辛卯秋役竣凡三任八年嘉道而後學

臣無此久任者

粵之雷州亦有西湖坡詩所謂西湖不欲往暮樹號寒鴉者也其地相傳有西湖平狀元生之語郡人因構書舍於湖上顏曰平湖覃谿學士按臨雷郡有句云可笑此郡士不愧文不工但祝西湖平結此一畝宮

乾隆間番禺縣學生王健寒年九十九尙能入試握筆爲文翁覃谿記以詩

雍正初年用怡賢親王言減蘇松一道地丁銀四十五萬兩南昌一道十七萬兩乾隆二年又減江浙兩省地丁銀二十萬兩乾隆一朝凡蠲七省漕米者三普蠲天

下地丁銀者亦三前史未有也且今制丁統於地非計
丁出賦有漕省分并地丁計爲什一無漕省分只計地
丁尙未及三十分之一頃同治三年東南大定江蘇巡
撫李肅毅伯又奏減江蘇蘇松太三屬漕米五十四萬
餘石浙江巡撫左恪靖伯又奏減浙江杭嘉湖漕糧三
分之一

兩宮太后立允所請

滂恩大愷益久益深等百世而溯三古莫與比仁矣
國初奠定區宇所剷除諸逆寇皆嘗竊大號鑄錢文如
鄭成功僭號常平孫可望僭號興朝吳三桂僭號利用

耿精忠僭號裕民迺西土酋王耀祖僭號大慶蠻曉螳
輪竟非全無大志者錄之以見

真人埽除之難元勛櫛沐之苦詳錢侗建元類聚攷跋

按殘明魯王竄越
鑄大明通寶錢

閻徵君古文尙書疏證每卷末各有自跋其第一卷寫
成覆舟武進郭外私念疏證定本在此當邀東坡元符
三年宿大海中例以濟其寫第四卷別錄四本一寄太
華山頂一寄羅浮山其二本則寄千頃堂傳是樓之主
人仿白氏文集別錄三本例其寫第五卷成屬人寫圖
一一禮堂寫定圖一傳與其人圖居然以鄭君自命徵

君著是書其自信之篤若此康熙昔嘗取徵君書與毛氏寃詞互證西河縱橫穿穴論辨之雄在閭書右惜僞古文罅漏太多彌縫匪易雖盛氣強詞仍不能拔趙幟而立赤幟也

乾隆十五年吳縣候選員外郎陶篠置常稔田千畝營守舍三十餘楹爲義莊是冬十二月蘇撫雅爾哈善疏聞明年四月奉

旨依部議照原銜卽用以示獎勵

本朝崇尚敦睦海內好義之家以義田義莊上

聞者靡歲蔑有顧皆寵以虛銜或

詔部臣存檔冊若陶氏之原官卽真真曠典也

金華貧家多溺女阮文達撫浙時捐清俸若干貧戶生女者許攜報郡學學官註冊給喜銀一兩以爲乳哺之資仍令一月後按籍稽查違者懲治蓋一月後顧養情深不忍殺矣此拯嬰第一法

嘉慶戊辰

恩科浙江學政劉鳳誥代辦鄉試監臨闈後人言藉藉有監臨打監軍小題大作文宗代文字矮屋長鎗之對語

密旨查詢經巡撫阮元以對語達

良渚紀聞
卷四
天聽

上復遣侍郎託津等三人抵浙按問劉獲重譴阮亦以徇庇奪官

諭旨中有云鄉試士子係由學政錄送入闈劉鳳誥本當避嫌何以輒將監臨之事交伊代辦已屬非是何以近科秋闈竟違

祖訓仍有以學政監臨者

乾隆朝故相和珅貴爲首輔爵封上公子尙公主凡一切龍褂紫纁雙翎寶頂

茂典殊榮靡不崇備本朝八旂大臣申

寵眷罕有其倫聞其始特鑾儀衛一校尉

或作衛出身

警蹕出宮

上偶於輿中閱邊報有奏要犯脫逃者

上微怒誦論語虎兕出於柙三語扈從諸校尉及期門

羽林之屬咸愕眙互詢

天語云何和珅獨曰爺謂典守者不得辭其責耳

凡內臣稱

上皆曰老爺子或曰佛爺

上爲霽顏問汝讀論語乎對曰然又問家世年歲奏對皆稱

旨自是恩禮日隆遷官多不次和珅才敏給遇事機牙

肆應尤善揣人主喜怒以故

高宗晚年倚毗益篤設稍感激知遇持盈保泰移其封殖自利之謀以協贊軍國其功名福澤豈在郭汾陽下後之懿親戚畹肺附國家者鑒之哉鑒之哉

嘉慶乙丑浙西水災歉收杭嘉湖三府散籌賑粥分男女兩廠擇佛寺立大蘆篷無雨淋日炙之苦道路出入次第皆以木柵柳礮爲號令紀律日賑數萬人無擁塞之虞有疾者給以藥老病廢疾別有廠婦女有厠篷數月中無一人死於廠者其煮粥濃厚以立箸不倒裹巾不滲爲度司事與飢民同食之無一盞饘餽者民情歡

悅時阮文達撫浙所謂實心行實政也今年直隸旱暵聞天津粥廠多凍餓踐踏死者而篷席遭焚數千災黎燬於一炬司厥務者爲流外官某合肥人經直督肅毅伯奏參奪職言路謂不足蔽辜請

旨嚴治適余將出京未悉後事過津門益思文達不置

郎潛紀聞卷四終